

Songhay - Henna-Futu Miilewey Citaaboo - Good-Bad Mind Scriptures

Henna Miilewey Citaaboo - Good Mind Scriptures

Marki 5:15 Waatoo kañ i too nongoo kañ ra Isa goo, i dii aroo kañ ra ganjey cindi. A ga goro, darbay goo jindoo ra, lakkaloo ga timme daku. Borey kañ dii a hunbur.

Luka 8:35 Borey koy dii hayaa kañ tee. I too nongoo kañ ra Isa goo. I na aroo gar kañ ra ganjey hun, a ga goro Isa cewey cire. Darbay goo jindoo ra, lakkaloo ga timme daku. Borey kañ dii a hunbur.

Diyadiyo 17:11 Borey wey biney baa Tesalonik borey waney, i na Irkoy meešennoo dii nda anniya henna. Zaari kul i ga Citaaboo fesufesu ka dii wala hayey kañ ga harandi cimiyan no.

Diyadiyo 20:19 ay g'ir Koyoo gana haya kul ra nda boñ yeeti gandayan, nda mundiyan, nda siiyan kañ ay dii ey Alyahuudey anniya futawey ra.

Rom 7:25 Albarka ma bara Irkoy se Isa Almasihu ir Koyoo albarkaa ra. Adiši agay hunday ga goy Irkoy ašariyaa se nd'ay lakkaloo, amma ay hundi-ibaayoo si goy kala zunubu se.

Rom 8:6 Hundu-ibaayi miileyanoo man'ti kala buuyan, Irkoy Hundoo miileyanoo man'ti kala hunayan nda alaafiya.

Rom 8:27 Boraa kañ ga biney fesufesu ga Hundoo anniya bay, zama a mma ḥaaray Irkoy boro henanantey se ka sawa nda Irkoy ibaayoo.

Rom 11:34 Zama «may no m'ir Koyoo miilewey bay? Wala may ka tee nga hoyraykaa?»

Rom 12:2 War masi hanga zamanoo woo teegoyey bande. Wa nañ Irkoy ma lakkal taaga ka war barmay hala war ma Irkoy ibaayoo laasaabu kañ ga boori, a ga kan, a ga timme.

Rom 12:16 War miilewey ma tee affoo, war masi war boñ jer. Wa baa wey kañ ga ngi boñ yeeti ganda. War masi war boñ dii lakkalkoyni.

Rom 14:5 Boro foo ga zaarey beerandi ka bisa cere, boro foo ga zaarey kul sawandi. Boro foo kul ma hakiika nda woo kañ nga binoo g'a har a se.

Rom 15:6 hala war ma tee mee foo, nda jinde folloku, war ma Irkoy kañ ti ir Koyoo Isa Almasihu Baaba beerandi.

1 Korenti I. 1:10 Ag'armey, ay g'a ḥaaray war ga ir Koyoo Isa Almasihu maapoo albarkaa ra, war ma tee jinde foo. Fay-fayyan masi huru war game. Wa tee affoo ka timme, war ma tee miileyan foo, ibaayi foo.

1 Korenti I. 2:16 zama: «May no m'ir Koyoo miilewey bay, hala a ma hin k'ir Koyoo cawandi?» Amma ir, ir duu Almasihu miilewey.

2 Korenti II. 7:7 Man'ti nga kaayanoo hinne, amma bineyaynandiroo mo kañ nda war na binoo yaynandi, a hanse k'ir mo biney yaynandi. A n'ir bayrandi kañ ir faajoo ga hanse ka bara war ra, nda war h̄eeney, nda war gaabandiyan beeroo kañ war g'a tee ya ne. Woo kate ya jaali ka tonton.

2 Korenti II. 8:12 Nda anniya henna goo ka noo, haya kañ n'n'a noo ga too, woo kañ sii ma ne si h̄andi. (1 Taarikdiyo I. 28:9)

2 Korenti II. 9:2 Ay ga war anniya hennaa bay, ay n'a ka fooma Masedoni borey jine ka nee: «Akay borey soolu za manna.» War gaabandiroo na ngi jere beeroo tuti kabedoonay ra.

2 Korenti II. 13:11 Aywa ag'armey, wa jaali, wa yadda ka tee boro kañ tee ka timme, wa yadda hoyray, wa tee anniya foo, alaafiya ma bara war game. Woo ra, Irkoy kañ ti Bajikoyoo nda Alaafiyakoyoo goo war bande.

Efezi 4:23 War goo ma duu fahamay taaga war lakkaley ra.

Filipi 2:2-5 w'ay jaaloo tabatandi ka tee bine foo, ka tee baji foo, ka tee affoo, ka tee honguyan foo. 3 War masi haya kul tee nda alhaasiditaray, wala nda foomataray, amma boñ yeeti gandayan ma kate war affoo kul ma nga ceroo guna sanda boro kañ bisa nga. 4 War masi war boñ guna, amma boro foo kul ma borey jerey [mo] guna. 5 Wa honguyanoo woo dii war game kañ goo Almasihu Isa mo se,

Filipi 4:2 Ay g'a ñaaray Ewodi ga, ay g'a ñaaray Sintiš ga, i ma tee anniya foo ir Koyoo fonddaa ra.

Filipi 4:7 Irkoy alaafiya kañ bisa lakkal kul ga war biney nda war miileyaney dii Almasihu Isa bande. (Ezayi 26:3)

Kolosi 3:12 War kañ ti Irkoy boro suubantey, nga boro henanantey, nga baakey, war ma tamallay, nda borohennataray, nda boñ yeeti gandayan, nda bineyaynay, nda suuri danj war ga sanda darbay.

2 Tesalonika II. 2:2 war masi cahā ka war lakkaley tunandi ka hunbur annabi šenni se wala waazu se kañ nee ir Koyoo kaayanoo zaaroo too, ba nda bataga ka kaa war do kañ i nee ir k'a sanba.

2 Timote II. 1:7 zama Hundoo kañ Irkoy n'a noo ir se s'ir tee alkubu, woo kañ a n'a noo ir se g'ir too met nda hini, nda baji, nda boro ma hin nga boñ.

Tiitu 2:6 Takaa din da, arusoogey hoyray i ma duu lakkal,

Ebere 8:10 Amaanaa kañ ay g'a zaa Izirayel hugu-izey se zaarey wey banda ga, war Koyoo k'a har, ay g'ay ašariyawey danj lakkaley ra, ay g'i hantum biney mo ga. Ay ga tee ngi Irkoy, i ga tee ay jamaa.

1 Piyer I. 1:13 Woo maaganda se war ma war lakkaley kanandi ka dii. War ma hin war boñ, war ma war naataa kul danj anneemaa ra kañ war ga duu a Isa Almasihu bangayroo ga.

- 1 Piyer I. 5:2 wa Irkoy feeji kuroo kur kañ goo war kone. [W'i hawgay], amma a masi tee sanda gaabi haya. W'a tee nda war boñ, ka sawa nda Irkoy ibaayoo, a masi tee nooru baji se, a ma tee haya kañ war g'a tee, zama a ga kan war se.
 - 2 Piyer II. 3:1 Ay baakey, sohō woo ti ay bataga hinkantoo kañ ay g'a hantum war se. Ijinaa nda ihinkantoo kul ra ay ga war lakkaley zumandi ka war tuti hala war ma duu ka hongu nda fonda.
- Žaaki 1:17 Nooyan henna kul nda nooyan timmante kul si hun kala beene, gaayey Baaba do. Nga kañ si barmay, a si tee bii kañ ga bere-bere. (Ayuuba 23:13)
- Bangayndi 17:9 Ne ra lakkal goo kañ ga fahami noo: boñ iyyaa man'ti kala tondi hondu iyyaa kañ ga woyoo ga goro. Kokoy iyyaa mo no.

Futu Miilewey Citaaboo - Bad Mind Scriptures

- Marki 7:21 Zama borey kuneheroo ra, bine ra hongu laaley ga hun kañ ti woy nda aru izefutarawey, nda zaytarawey, nda borowiiyaney, (Ezekiyel 38:10)
- Luka 12:29 War, war masi war boñ zarabi ka hayaa ceeci kañ war g'a ḥaa wala k'a hañ.
- Diyadiyo 12:20 Herod hanse ka futu Tir nda Sidon borey ga. Amma i tee affoo ka kaa a do, i na kokoyoo kanihugoo jineboraa kañ ti Blastus fahamandi a ma yadda. I na alaafiya wiri Herod ga, zama ngi gandaa hunaa si hun kala kokoyoo gandaa ra.
- Diyadiyo 14:2 Amma Alyahuudey kañ mana naanay na borey kañ hun dumiyañ ra kañ man'ti Alyahuudu tusa ka biney bibandi ir armey ga.
- Rom 1:28 Takaa kañ nda i mana ceeci ngi ma Irkoy bay, Irkoy n'i nañ i ma hanga ngi lakkal šiirey bande hala i ma haya tee kañ si hima.
- Rom 8:6,7 Hundi-ibaayi miileyanoo man'ti kala buuyan, Irkoy Hundoo miileyanoo man'ti kala hunayan nda alaafiya. 7 Zama hundi-ibaayi miileyanoo man'ti kala Irkoy iberitaray, a si cindi Irkoy ašariyaa cire, koyne mo a si hin ga.
- Rom 11:20 Cimi no. I nka fetandi ngi naanay jañaa maaganda se, n'ga kay ni naanaa maaganda se. Masi ni boñ jer, amma ma hunbur.
- 2 Korenti II. 10:5 ka hini kul kañ ga nga boñ jer ka kay Irkoy bayraa se halaci, ka kate miile kul ma yee Almasihu cire k'a beerandi.
 - 2 Korenti II. 11:3 Amma ay ga hunbur, sanda takaa kañ nda gondoo na nga carmaa ka Haawa darga, takaa din da war lakkaley masi koy bere ka

laadiritaray [nda henanyan] naŋ kaŋ Almasihu ga hima nd'a.

Efezi 2:3 Ir mo cind'i ra, ir nd'ey kul marga ka hanga hayey kaŋ hundi g'i boonay, nda nga ibaayey, nd'ir miilewey bande. Ir azzaatoo kate ir ma tee sanda borey cindey kaŋ ti boroyan kaŋ goo Irkoy futayyanoo cire.

Efezi 4:17 Hayaa kaŋ ay g'a har k'a bayrandi ay Koyoo maapoo ga man'ti kala war masi yee ka dira sanda dumey kaŋ si Irkoy bay dira takaa, ngi lakkal yaadaa bande.

Kolosi 1:21 War mo, waatoo din war man'ti kala yaw nda iberi Irkoy se war miileyaney nda war teegoy futawey maaganda. (Yaasaydiyo 21:27; Ezekiyel 23:17)

Kolosi 2:18 War masi naŋ boro kul ma war ganji war ma duu jalaa kaŋ ga duwandi konkošaa ra, kaŋ ti boro ma nga boŋ ibaayoo tee ka tee sanda nga mma nga boŋ yeeti ganda ka almalaykey gana, ka huru haya ra kaŋ a dii a bangayyan ra, a ga too nda hew yaada nda nga hundi-ibaayoo miileyaney.

1 Tesalonika I. 5:14 Ir armey, ir g'a wiri war ga, war ma borey hoyray kaŋ si šerre, borey kaŋ biney hun, wa biney dan, wa borey faaba kaŋ sii nda hini, wa suuri borey kul se.

2 Tesalonika II. 2:2 war masi cahā ka war lakkaley tunandi ka hunbur annabi šenni se wala waazu se kaŋ nee ir Koyoo kaayanoo zaaroo too, ba nda bataga ka kaa war do kaŋ i nee ir k'a sanba.

1 Timote I. 6:5 nda kakaw yaadawey kaŋ si ben kaŋ goo boro lakkal futawey nda cere game, cimi sii i kone. I ga hongu kaŋ Irkoy ganayan man'ti kala alman duuyan fondo.

2 Timote II. 3:8 Takaa din da kaŋ nda Žanes nda Žanbres kay ka Musa kakaw, takaa din da nda borey wey mo ga kay ka cimoo kakaw. Boroyaŋ no kaŋ lakkaley futu, ngi naanaa si kay.

Tiitu 1:15 Haya kul ga henan borey kaŋ ga henan se, amma borey kaŋ si henan, i si naanay Irkoy, haya kul si henan i se, ngi lakkaley nda ngi biney ga žiibi.

Ebere 12:3 Wa hongu boraa kaŋ na zunubantey kakawey muŋe hala war masi naŋ war ma fara, war biney masi duu ka hun.

Žaaki 1:8 lakkal hinka-hinkakoyni no, nga fondawey kul ra, a si kay doo foo.